

Phau Ntawv Qhia Tsevneeg txog Cov Kev Pabcuam Rau Cov Menyuam Yaus

Zoo siab tos txais koj los rau hauv Alta California Regional Center (ACRC) Cov Kev Pabcuam Rau Cov Menyuam Yaus. Lub ACRC txaus siab rau txoj kev uas yuav tau los muab kev pabcuam rau koj tsevneeg. Vim xav kom koj totaub txog cov kev uas peb yuav los pab koj, peb tau tsim phau ntawv no los qhia tias peb yog leejtwg, cov kev pabcuam uas peb muaj yog dabtsi, thiab cov tibneeg uas koj yuav hu tau mus rau yog leejtwg.

Cov kev qhia hauv phau ntawv no yuav pab tau kom koj totaub txog cov kev pabcuam uas muaj rau koj tus menyuam yog li muab nws khaws cia rau tej qhov chaw uas yoojyim yuav mus muab nws rov los saib txog tej kev pabcuam thiab tias yuav mus thov kev pabcuam licas rau tamsim no thiab yav tomntej.

Dua li, peb lub koomhaum qhov website:

www.altaregional.org tseem muaj cov kev qhia thiab tej kev hloov tshiab uas yuav pab tau koj. Koj tseem mus sau npe tau thiab tso koj tus email kom tau txais peb lub koomhaum cov ntawv xovxwm.

HAUV PHAU NTAWV NO

Koj Tus Tibneeg Pab Npaj Cov Kev Pabcuam	2
Totaub txog Cov Kev Nrog Tshuaj	3
Cov Kev Txhawb	4
Cov Kev Qhia txog Medi-Cal	5
Cov Chaw Pabcuam	6
Cov Nqi Yuav tau Them	7
Cov Kev Txhimkho Tus Coojpwm ..	8
Kev So & Nrog Zov Menyuam	13
Cov Khoom Siv Khomob	15
Kev Kawm Rau Cov Niamtxiv (Parent Education)	16
Kev Txiavtxim Ntawm Tuskheej Cov Chaw Pabcuam hauv Tej	17
Chebtsam	18

Koj Tus Tibneeg Pab Npaj Cov Kev Pabcuam

Tamsim no uas koj tsevneeg tsimnyog tau txais kev pabcuam hauv lub chaw pabcuam hauv tej cheebtsam lawm, peb xav qhia koj txog tus tibneeg uas koj yuav tau hu rau thiab yog tus uas yuav los pab koj hauv peb lub tsev pabcuam – koj Tus Tibneeg Pab Npaj Cov Kev Pabcuam (SC) hauv lub ACRC. Peb cia siab tias kev los paub zoo txog koj tus SC yuav yog thawj kaujruam rau koj txog kev los nrhiav kev pabcuam thiab kev sib nraug zoo nrog lub Alta California Regional Center. Tus Tibneeg Pab Npaj Cov Kev Pabcuam (SC) yog tus uas tej zaum yuav tau daim Master’s Degree rau social work thiab yam tsawg ua haujlwm tau ob xyoos tomqab tau txais nws daim Master’s Degree lossis tau daim Bachelor’s degree thiab ua haujlwm yam tsawg ob xyoos rau hauv phab pabcuam cov tibneeg uas muaj teebmeem kev tu-ncua rau hauv lub cev.

Pab nrhiav kev pabcuam los daws tus neeg mob cov kev tu-ncua

Nrog tus neeg mob thiab nws tsevneeg sib txuas lus

Pab nroghais rau tus neeg mob

Siv txoj kev txawj ntse los pab

KOJ TUS TIBNEEG PAB NPAJ COV KEV PABCUAM UAS DABTSI?

Nrog saib thiab tshuaj tus neeg mob tej mob

Nrog saib thiab daws tej kev tu-ncua uas tsimnyog daws tau.

Nrog sau daim IPPs uas daws tau cov kev tu-ncua

Nrog tshuaj cov kev pabcuam uas tau txais saib puas pab tau tus neeg mob

Nrog nrhiav thiab txhawb cov Homphiaj & Kev Ua uas yuav pab tau tus neeg mob

Pab xa tus neeg mob mus rau lwm lub chaw pab uas tau txais nyiaj hauv lub RC los txhawb nws cov homphiaj

**TOTAUB TXOG LUB CHAW PABCUAM HAUV TEJ
CHEEBTSAM COV KEV NROG TSHUAJ THIAB TEJ NYIAJ SIV**

Lub ACRC yuav los pab cov neeg mob thiab lawv tsevneeg npaj ib txoj kev khomob raws tej tus tibneeg uas yog siv cov kev pab hauv tej zejzov los kho nws tus mob. Txoj kev npaj txoj IPP yuav muaj kev nrhiav kev qhia thiab cov kev nrog tshuaj txog cov homphiaj, nws ua tau dabtsi thiab qhov zoo yog dabtsi, nyiam dabtsi, ua tsis tau dabtsi, thiab tej teebmeem ntawm tus neeg uas muaj teebmeem kev tu-ncua. Cov kev tshuaj yog ua los ntawm cov tibneeg uas paub zoo thiab ua hauv tej chaw uas xis rau tus neeg mob. Ib feem ntawm kev tshuaj yog xyuas txog cov kev pab, xwsli cov uas muaj los pab pejxeem thiab cov yuav tau mus yuav los, thiab paub tias yuav muaj kev pab dabtsi los daws cov kev tu-ncua. Lub ACRC yuav pab them them rau cov kev khomob thiab kev pab li hauv qab no:

<i>Cov kev khomob raws li tsab Kevcai Lanterman Act</i>	<i>Ua tau raws li lub homphiaj thiab tej uas hais hauv txoj IPP</i>
<i>Daws tau ib yam kev tu-ncua</i>	<i>Tsis yog ib yam kev pab/khomob uas twb muaj los siv lawm</i>
<i>Pab tau tsimnyog li tus nqi</i>	<i>Txhawb lub koomhaum lub homphiaj</i>
<i>Tus neeg muab kev khomob yuav tau yog tus uas “raug tsocai” rau los muab kev khomob</i>	<i>Tshawb pom tau tias kho tu zoo thiab tsis ua rau mob</i>

TXOJ KEV KHOMOB HAUV TSEV & HAUV ZEJZOS UAS TSIS TAU THEM NQI (HCBS) LOSSIS SIV MEDICAID UAS TSIS TAU THEM NQI (MW): Txoj kev pabcuam no yog ib txoj kev pabcuam hauv tsoomfwv qibsiab uas khiav los ntawm lub Chaw Pabcuam hauv Tej Cheebtsam uas kam cia koj lub nroog tsis txhob siv tej nyiaj khwv tau los rau kev thov Medi-Cal. Kev siv Medicaid Uas Tsis Tau Them Nqi yuav ia koj los siav tau Medi-Cal mus them rau diapers, cov khoom siv khomob, thiab tsis muaj feem tau nrog them rau kev mus ntsib kws khomob thiab cov tshuaj noj.

Dua li, thov Medi-Cal rau koj tus menyuam yuav ua rau koj tsis muaj feem tau nrog them rau lub Chaw Pabcuam hauv Tej Cheebtsam cov kev khomob (AFPF/FCPP – piav txog tomqab). Koj qhov SC yuav ua raug koj raug xa koj mus thov Medi-Cal uas yuav muab koj tus menyuam xa mus rau Txoj Kev Siv Medicaid Uas Tsis Tau Them Nqi.

W&I Code §4643(c), 4646.4, 4783, 4785

**COV KEV KHOMOB UAS MUAJ, KEV TXHAWB, THIAB COV KEV PABCUAM
HAUV LUB CHAW PABCUAM HAUV TEJ CHEEBTSAM UAS YUAV SIV TAU**

TUS NEEG MOB

COV KEV KHOMOB UAS MUAJ & YUAV TAU MUS YUAV LOS:	KEV TXHAWB:
<ul style="list-style-type: none"> • Medi-Cal 	<ul style="list-style-type: none"> • Tsevneeg
<ul style="list-style-type: none"> • Kev Ntxov Mus Kuaj Mob, Tshuaj & Khomob (EPSDT) 	<ul style="list-style-type: none"> • Tsevneeg Sab Nraud / Kwvtij
<ul style="list-style-type: none"> • School Districts 	<ul style="list-style-type: none"> • Cov Koomhaum Pabcuam
<ul style="list-style-type: none"> • Lub Nroog Kev Tuaj Pab Tu hauv Tsev (IHSS) 	<ul style="list-style-type: none"> • Cov Koomhaum Qhab (Tribal)
<ul style="list-style-type: none"> • Kalifonias Txoj Kev Pabcuam Menyuum Yaus (CCS) 	<ul style="list-style-type: none"> • Chaw Ua Kev Lomzem hauv Zos
<ul style="list-style-type: none"> • Lub Nroog Txoj Kev Khomob Teebmeem Kev Xav 	<ul style="list-style-type: none"> • Chaw Pehawm Tswv Ntuj
<ul style="list-style-type: none"> • Denti-Cal 	<ul style="list-style-type: none"> • Tej Pab Neeg Txhawb
<ul style="list-style-type: none"> • Lub Chaw Pabcuam Tsevneeg (FRC) Warmline 	<ul style="list-style-type: none"> • Cov Phoojywg
<ul style="list-style-type: none"> • Kev Tuaj Phais hauv Tsev (IHO) 	<ul style="list-style-type: none"> • Cov Neeg Zejzoz
<ul style="list-style-type: none"> • Lub Zos, Nroog & Xeev Kev Pabcuam Tsev Nyob 	
<ul style="list-style-type: none"> • Zejzoz Kev Pab Hais Plaub Ntug 	
<ul style="list-style-type: none"> • Kev Fajseeb uas Mus Yuav Los 	

KEV QHIA TXOG MEDI-CAL THIAB LWM YAM

Medi-Cal yog ib txoj kev pabcuam tseemceeb hauv lub Chaw Pabcuam hauv Tej Cheebtsam txoj kev pabcuam. Yog koj tus menyuum tau txais HCBS Waiver, nws zoo uas koj yuav tau mus thov. Vim ntau yam kev pabcuam uas koj xaiv yuav raug them rau los ntawm Tsoofwv Qibsiab txoj kev pabcuam Medicaid. Kalifonias cov chaw pabcuam hauv tej cheebtsam muaj txhua txoj kev pabcuam uas lub xeev them rau cov tibneeg uas tsimnyog tau txais kev pabcuam. Tau txais Medi-Cal yuav ua rau koj tau txais uas hais hauv tsab Kevcai Lanterman Act uas yog cov kev pabcuam los pab daws koj tus menyuum cov kev tu-ncua.

Tamsim no Medi-Cal tseem yuav them rau cov kev kho autism, thiab yuav pab them rau feem uas koj tau nrog them yog koj muaj kev fajseeb sab nraud. Yog koj tus menyuum tau txais Medi-Cal tej zaum nws tseem yuav tau txais Cov Kev Tuaj Pab Tu hauv Tsev (IHSS), thiab yuav ua rau lawv yoojyim tau txais social security thaum lawv loj tuaj.

KEV QHIA TXOG MEDI-CAL THIAB LWM YAM

COV KEV TUAJ PAB TU HAU V TSEV (IN-HOME SUPPORT SERVICES, IHSS):

IHSS yog ib txoj kev pabcuam ntawm lub nroog uas tus menyuam tsuas tau txais tomqab nws tau txais Medi-Cal lawm xwb. Koj lub nroog yog lub khiav txoj kev pabcuam no. Tomqab koj ua ntawv thov txoj kev pabcuam no lawm lub nroog yuav xa ib tus social worker tuaj tshuaj koj tus menyuam saib puas yuav tau muaj kev saib xyuas lossis nrog tu tshwjxeeb dabtsi thaum muab nws los piv rau lwm tus menyuam uas muaj hnuv nyoog tib yam li nws. Yog koj tus menyuam yuavtsum tau muaj kev nrog saib thiab tu tshaj li lwm tus, tej zaum IHSS yuav muab ib xov xuabmoos raws li tej lub hlis los ntiav ib tus neeg tuaj pab tu nws. Cov xuabmoos no yog them rau los ntawm lub nroog xwv a) koj thiaj ntiav tau ib tus neeg tuaj pab saib thiab tu nws thaum koj tsis nyob tsev lawm lossis b) xwv koj thiaj raug them rau lub sijhawm uas koj tau siv tshaj los tu nws vim nws muaj tus mob ntawd. Yog tus menyuam tsis tau muaj hnuv nyoog 5 xyoos, tej zaum nws yuav tau taus txais IHSS rau lub sijhawm no. Tabsis, koj thov kom luag rov tuaj tshuaj nws dua tau thaum nws loj tuaj lawm.

NYIAJ XIAM OOB-QHAB (SUPPLEMENTAL SECURITY INCOME, SSI):

SSI muaj ib cov nyiaj los pab them rau zaubmov, khaub-ncaws, thiab tsev nyob uas xam raws koj tsevneeg cov nyiaj khwv tau los. Tus xovtooj uas hum us thov Nyiaj Xiam Oob-qab (Social Security) yog 1-800-772-1213, lossis koj mus thov tau hauv lub chaw ua haujlwm Social Security hauv koj lub nroog. Yog xav tau kev qhia ntxiv mus xyuas lawv lub website hauv <http://www.ssa.gov>. Koj mus thov hauv online hauv www.C4Yourself.com.

LUB CHAW PABCUAM TSEVNEEG (FAMILY RESOURCE CENTER, FRC):

Kalifonias pab nyiaj rau cov Chaw Pabcuam Tsevneeg (FRCs) hauv tej lub nroog kom los muab cov kev txhawb, tu, qhia, thiab kom muaj kev totaub rau cov tsevneeg uas muaj cov menyuam uas muaj teebmeem kev tu-ncua hauv lub cev.

COV KEV PABCUAM HAUV TEJ LUB NROOG

Nroog	Medi-Cal	IHSS	SSI	FRC
Alpine	530-694-2235	530-694-2235	530-694-2235	Warmline FRC: 800-455-9517
Colusa	530-458-0280	530-458-0280	530-671-1896	Colusa County FRC: 530-458-8891
El Dorado	530-642-7300	530-642-4800	877-545-5497	North Tahoe FRC: 530-546-0952
Nevada	Grass Valley: 530-265-1450 Truckee: 530- 582-7814	530-274-5601	866-931-6087	FRC of Truckee: 530-587-2513
Placer	South Placer: 916-636-1980 Auburn: 530-889-7610	South Placer: 916-787-8860 Auburn: 530-889-7115	South Placer: 916-770-8300 800-772-1213 Auburn: 866-931-6087	Warmline FRC: 916-455-9500 Lighthouse FRC: 916-645-3300
Sacramento	(916) 874-3100	(916) 874-8471	800-772-1213	Warmline FRC: 916-455-9500
Sierra	Grass Valley: 530-265-1450 Truckee: 530- 582-7814	530-274-5601	866-931-6087	Warmline FRC: 916-455-9500
Sutter	877-652-0735	530-822-7227	530-671-1896	Family Soup FRC: 530-751-1925
Yolo	530-661-2700	530-661-2955	916-373-3850	Warmline FRC: 916-455-9500
Yuba	877-652-0739 530-749-6311	530-749-6471	530-671-1896	Yuba County FRC: 530-749-4049

TUS NQI UAS TSEVNEEG YUAV TAU THEM TOJ XYOO (AFPF)

Koj yuav tau them tus AFPF yog koj tus menyuam tsis muaj Medi-Cal *thiab* nws tau txais kev pabcuam los ntawm lub Chaw Pabcuam hauv Tej Cheebtsam. Tus nqi no yog sau los ntawm lub Department of Developmental Services (DDS). Tabsis, koj Tus Tibneeg Pab Npaj Cov Kev Pabcuam (SC) yuv yog tus nrog koj tham thiab tshuaj tus nqi uas koj yuav tau them toj xyoo, thiab nrog ua tej ntaub ntawv rau tej no. Qhov uas yuav tau ua li no yuav tsis ncuaj koj txoj kev tau txais kev pabcuam raws li koj txoj IPP hais.

Cov tsevneeg yuav tau them tus nqi uas yog \$200 toj xyoo (Xya Hli txog Rau Hli) tshwj tias lawv muaj cov ntaub ntawv qhia txog tsevneeg thiab cov nyiaj txiag uas khwv tau los yuav txo lossis zam tus nqi no xwb. Koj xaiv tau qhov uas cia li them tus nqi \$200, tshuaj saib puas tau them tsawg dua, thiab muab ib copy ntawm koj daim ntawv them se hauv Xeev lossis Tsoomfwv Qibsiab uas qhia tias koj khwv tau nyiaj pestsawg los thiab koj tsevneeg muaj pestsawg leej rau koj tus SC.

Txawm koj cov nyiaj khwv tau los yuav tshaj li qhov uas hais hauv AFPF los, tej zaum koj tseem yuav thov tau kom zam tus nqi rau koj yog tias koj muaj ib yam li hauv qab no:

- Yuav tau zam thiaj muaj nyiaj txaus los yug koj tus menyuam uas nrog koj yob,
- Koj tau ntsib tej yam uas ua rau koj them tsis tau tus nqi lossis tu nyiaj uas yuav los yug thiab saib xyuas koj tus menyuam, lossis
- Koj tau ntsib ib yam xwmtxheej loj uas ua rau koj tsevneeg tu-ncua nyiaj txiag thiab them tsis tau lub sijhawm no.

Yog koj xav thov kom zam, thov muab tej kev qhia li uas hais saumtoj no rau koj tus SC hauv lub Chaw Pabcuam hauv Tej Cheebtsam kom pab nrog tshuaj.

W&I Code § 4785

TUS NQI TSEVNEEG YUAV TAU THEM (FCPP)

Cov tsevneeg uas thov qee yam kev pabcuam hauv lub Chaw Pabcuam hauv Tej cheebtsam (kev khomob lossis nrog zov) thiab lawv tsis muaj Medi-Cal, tej zaum yuav muaj ib feem uas lawv tau them rau cov kev pabcuam ntawd. Uantej koj yuav tau txais cov kev pabcuam no, luag yuavtsum tau tshuaj saib koj yuav tau nrog them npaum lidas. Yog koj tsis xav thov Medi-Cal rau koj tus menyuam, koj yuavtsum tau ua pob ntawv FCPP thiab muab cov ntaub ntawv qhia nyiaj txiag tuaj rau lub chaw pabcuam hauv tej cheebtsam tshuaj txog feem uas koj yuav tau nrog them.

W&I Code § 4783



COV KEV TXHIMKHO TUS COOJPWM

Cov fajseeb khomob yuav sab nraud thiab Medi-Cal raug tsamfwm kom them rau cov kev Kho ABA rau cov menyuam uas kuaj pom tias muaj Autism Spectrum Disorder (ASD). Phab Saib Xyuas Kev Khomob (Department of Health Care Services, DHCS) yog phab khiav Medi-Cal thiab muab ABA hu ua Kev Kho Tus Coojpwm (Behavioral Health Treatment, BHT). Lub chaw pabcuam hauv tej cheebtsam yuav them tsis tau rau cov kev kho ABA/BHT rau ib tus menyuam uas kuaj pom tias muaj autism yog tias lawv tsis tau txais daim ntawv uas lub fajseeb khomob sab nraud thiab/lossis Medi-Cal tsis kam them rau tej kev khomob ntawd. Tej zaum Medi-Cal tseem yuav yog ib qhov kev fajseeb uas siv los pab koj qhov kev fajseeb sab nraud uas los pab them rau feem uas koj yuav tau nrog them thiab/lossis kev fajseeb uas yog ib feem hauv koj qhov Puavphej hauv Kev Khomob.

Kuv tus uas yog koj tus SC, yuav pab kom koj totaub txog cov kev khomob no thiab nrhiav nyiaj los pab them. Koj yuav pom tias ntau zaus cov koomhaum fajseeb khomob yuav tsis xam tias cov kev sib txawv hauv ABA/BHT yog lidas. Hauv qab no koj yuav pom qhov lub ACRC them rau cov kev kho ABA raws li tsab Kevcai Lanterman Act, li peb ib txwm muaj.

W&I Code § 4648, 4659, 4685-4689.8

COV KEV KHO ABA

“Cov kev kho ABA” yog ib lolus dav dav uas siv los hais txog ib txoj kev qhia (evidence based techniques) uas yog los qhia thiab txo tej teebmeem uas muaj vim tus coojpwm. Cov kev kho ABA yog, qee zaum, them los ntawm lub Chaw Pabcuam hauv Tej Cheebtsam. Cov kev kho no nws muaj ua ntau hom. Nws muaj xwsli Kev Cobqhia Cov Niamtxiv; Kev Nrog Txhimkho Tus Coojpwm (BIS); Kev Qhia Kom Txawj Nrog Lwm Tus Sib Tham (SST); Ntxov Nrog Txhimkho Tus Coojpwm thiab Cobqhia (EIBTT) cov kev kho autism; Kev Qhia Kom Pub Pab Tuskheej (FST); thiab Kev Qhia Kom Paub Yoog (Adaptive Skills Training, AST). Yog xav paub txog tej yam uas hais no, thov mus xyuas nplooj ntawv tomntej.

QHIA: Cov niamtxiv yuavtsum tau mus koom rau Kev Cobqhia txog Tus Coojpwm Rau Niamtxiv (BPT) uantej yuav tau txais ib yam kev kho ABA uas them los ntawm lub ACRC. Dua li, lub ACRC tsuas kam them rau cov kev kho uas tau txais los ntawm cov neeg muab kev pabcuam lossis khomob uas muaj kev coglus nrog lub chaw pabcuam hauv tej cheebtsam nkaus xwb.

**ABA YOG IB TXOJ KEV KHO UAS MUAJ RAU TXHUA TUS
NEEG MOB UAS TSHUAJ POM MUAJ KEV TU-NCUA.**

KEV KHO ABA RAU TEJ YAM TSHWJXEEB:

KEV COBQHIA TXOG TUS COOJPWM RAU COV NIAMTXIV (BEHAVIOR PARENT TRAINING, BPT): BPT yog ib yam uas yuavtsum tau kawm uantej thiaj tau txais ib txoj kev kho ABA uas them rau los ntawm lub ACRC. Txoj kev qhia yog qhia kom cov niamtxiv paub thiab totaub txog, qhia ib pab coob coob, cov qauv uas hais txog tibneeg tus coojpwm. Nws tseem yuav qhia txog kev teev txog tus coojpwm, los tshuaj thiab xav txog tus coojpwm ntawd tias yog vim licas thiab ntau yam ntxiv.

KEV NROG TXHIMKHO TUS COOJPWM (BEHAVIOR INTERVENTION SERVICE, BIS): BIS yog siv ib cov qauv kev kho ABA uas pom tias pab tau zoo. Txoj kev kho no mas luv luv thiab siv los txo, daws, lossis tivthaiv, kom tsis txhob muaj ib qhov coojpwm li ntawd yav tomntej uas yuav muaj kev tsis zoo rau nws txoj kev nojqab haushuv lossis tuskheej. Cov coojpwm uas hais no muaj xwsli, tabsis tsis tau rau: kev npau nco, ua phem rau lwm tus, tsimtxom tuskheej thiab khiav hauv tsev mus. BIS qhia cov niamtxiv/tus saib xyuas txog cov tswvyim uas yuav siv tau los tswj thiab txhimkho cov coojpwm uas tsis zoo, thiab muab tus coojpwm zoo los hloov. Txoj kev kho yuav muaj kev nrog tshuaj, nrog rau kev npaj los txhimkho yog tias raug nquahu kom mus ntsib ib tus kws kho coojpwm li peb mus txog rau lub hlis. Lub homphiaj ntawm kwc kho BIS yog xav hloov tus menyuam tus coojpwm uas cov niamtxiv yuav pab hlob tau raws li txoj kev npaj los txhimkho.

KEV QHIA KOM PAUB YOOG (ADAPTIVE SKILLS TRAINING, AST): AST yuav pab kom tus neeg mob txawj pab tau nws tuskheej uas yog siv cov qauv hauv kev kho ABA. Nws yog ib txoj kev qhia luv luv rau cov niamtxiv. AST yog ib txoj kev qhia kom txawj yoog uas yog qhia rau tus neeg mob li niamtxiv kom txawj los nrog tshuaj, qhia thiab pab tus menyuam xyaum. Qee yam hauv txoj kev qhia AST no yog xwsli: qhia tu tuskheej, qhia nrog lwm tus sib tham, qhia kev ua lub neej txhua hnuv thiab kev cobphum. Tej zaum yuav muaj kev sib txawv nyob rau hauv txoj kev qhia no vim yog qhia raws qhov yoojyim thiab nyuaj ntawm cov homphiaj, tus neeg mob muaj kev totaub ntau npaum licas thiab kev koomtes los ntawm cov niamtxiv/tus saib xyuas. Txoj kev kho yuav muaj kev nrog tshuaj, nrog rau kev npaj los txhimkho yog tias raug nquahu kom mus ntsib ib tus kws kho coojpwm li peb mus txog rau lub hlis. Lub homphiaj ntawm kev qhia AST yog qhia kom cov niamtxiv/tus saib xyuas muaj peevxwm los pab qhia lawv tus menyuam ua ntu zus li tej uas tau qhia rau lawv law.

W&I Code §4512(b), 4643(b), 4646(a), 4646.4(a), 4647(a), 4648(a) (7-8), 4648(a)(16), 4648.4, 4685 (c)(3)(B)(i), 4686.2, 4851(q) (4), 4659(a) & (c)

KEV KHO ABA RAU TEJ YAM TSHWJXEEB:

KEV QHIA KOM TXAWJ NROG LWM TUS SIB THAM (SOCIALIZATION TRAINING, SST):

SST yog ib txoj kev qhia hloov tus coojpwm uas qhia kom paub nrog thiab sib txuas lus tau nrog rau lwm tus tsis hais hauv tsev, hauv tej zejzox thiab thaum mus nrog tej phoojywg uake. Lub homphiaj hauv txoj kev no yog qhia kom paub thiab txawj nyob uake thiab sib tham. Qee yam hauv no yog xwsli, tabsis tsis tas rau, kev sib ntsia, kev mloog lwm tus cov lus, sib tham, ib tus hais tas ib tus mam hais, kev sib hu, ntsia lwm tus ntsejmuag thiab paub tias luag xav licas, kev cog phoojywg, paub pib tham thiab txawj sib tham, paub hais rau yug tuskheej thiab paub nrog lwm tus sibkoom uasi. Txoj kev ua txawj thiab ua tau li no mas yuav ua rau nws mus nrog tau thiab koom tau tej neeg zejzox. Nws yuav kawm tau los ntawm txoj kev uas yus qhia kev nrog lwm tus sib tham/uasi, thiab mus nrog lwm tus sib koom ua ub ua no. SST yog ib txoj kev qhia luv luv, uas siv ib cov qauv los qhia rau tej pawg tibneeg tsawg tsawg (2-8 leej). Lawv lub hnuv nyooq yuavtsum sib luag, muaj teebmeem thiab cov homphiaj zoo tib yam. Yuav siv kev qhia, sawv los hais lus, xyaum thiab uasi uake los txhawb txoj kev kawm. Cov niamtxiv yuavtsum tau tuaj koom rau cov kev kawm no cov menyuam thiaj li yuav ua tau.

W&I Code §4512(b), 4643(b), 4646(a), 4646.4(a), 4647(a), 4648(a)(7-8), 4648(a)(16), 4648.4, 4685 (c)(3)(B)(i), 4686.2, 4851(q)(4), 4659(a) & (c)



KEV QHIA TXOG KEV NTXOV KHO AUTISM (EAT):

Lub ACRC pom txog qhov tseemceeb ntawm kev ntxov tshuaj, kuaj, tsom xam thiab npaj pab cov menyuam uas muaj autism spectrum disorder (ASD). Lub ACRC yuav mus yuav cov kev kho pab uas pom tias kho tau zoo, thiab muaj neeg siv los pab kho. Peb pom tias cov kev kho pab no muaj feem ntau uas yuav pab tau tus menyuam uas muaj ASD thiab nws tsevneeg muaj tau lub neej xwvli luag. Cov kev kho pab feem ntau yog hu ua EIBTT, Center-based EIBTT, lossis FST (uas hais txog hauv qab no). Cov kev kho pab uas yuav los ntawm lub ACRC raws li hais hauv Txoj Kev Npaj Khomob Raws Tej Tus Tibneeg yog npaj los kom:

- pab tau tus menyuam txoj kev nyob tau ib leeg thiab muaj kev phoojywg tau nrog lwm tus
- pab tau raws li lub siab xav, ntsuas tau thiab mus raws li txoj kev npaj
- yog muab los ntawm ib tus tibneeg uas kawm tawm los
- yog muab los ntawm ib qhov chaw uas muaj kev txwv tsawg
- txhawb tau cov niamtxiv kom txawj los pab thiab txhawb tus menyuam
- kho tau tsimnyog li tus nqi

Txoj kev EAT tej zaum yuav siv ntau them (hom) tibneeg, uas nyob hauv qab kev saib xyuas ntawm cov kws kho tus coojpwm, thiab yuavtsum tau muaj cov tibneeg uas txawj thiab paub zoo txog autism. Txoj kev uas sibzog pab kho no muaj kho uas tej them zuzus. Nws yuav muaj ib cov kev uas niaj hnuv qhia kom ua los pab tus menyuam thiab txo tau tej yam uas yuav los cuamtshuam rau nws tus coojpwm. Cov niamtxiv yuavtsum tau muaj kev koomtes nrog lawv tus menyuam txoj kev kho pab no xwv thiaj li kho tau zoo thiab pab tau tus menyuam. Txoj kev EAT yog qhia kom ua raws nraim li tus qauv uas muaj ntau yam kev txwv thiab mam li hloov tus menyuam los rau tej chaw uas tsis muaj kev txwv. *Mus xyuas nplooj ntawv tomntej txog tej hom kev kho pab:

EIBTT: Kev Ntxov Pab thiab Kho Tus Coojpw m thiab Cobqhia (Early Intervention and Behavior Treatment and Training, EIBTT) yog ib lolus uas siv rau cov kev kho pab thaum nyuam qhuav kuaj pom. Cov kev pab no yog muaj rau thaum hnuv nyoog 2 mus rau 6 xyoo, thiab yuav txo cov xuabmoos pab zuzus thaum tus menyuam los tuaj. Cov kev tuaj kho pab hauv tsev no yog kho los ntawm ib cov koomhaum uas paub zoo txog kev ntxov kho autism thiab siv cov tibneeg uas txawj tuaj kho. Txoj kev npaj kho raws tej tus tibneeg rau ib tus menyuam muaj sijhawm ntau nyob rau hauv, txog li 40 xuabmoos to jib lub limtiam (rho cov xuabmoos mus kawm ntawv tawm pib thaum nws muaj hnuv nyoog 3 xyoos). Nws kho txog ntau yam hauv tus menyuam txoj kev lojhlob thiab npaj rau tus menyuam txog kev uas yuav mus kawm ntawv. Cov homphiaj tej zaum yuav hais txog kev tu nws tuskheej, kev cobphum, qhia kom txawj hloov mus ua lwm yam, qhia kom txawj rau siab rau ib yam (kom tus menyuam nyob tus rau hauv ib lub hoob kawm) thiab txo cov coojpw m uas tsis zoo uas yuav los cuamtshuam rau lub hoob kawm thiab nws txoj kev kawm.

Cov Chaw Kho EIBTT: Cov chaw kho EIBTT los kuj muaj txhua yam li uas hais hauv EIBTT uas hais los saumtoj no. Qhov txawv ces yog musk ho hauv ib lub chaw kho thiab tsis yog kho hauv tus menyuam lub tsev xwb. Kev cobqhia cov niamtxiv tseem muaj li qub xwv lawv thiaj paub qhia thiab coj tus menyuam cov kev ua.

FST: Cov Kev Qhia Kom Paub Pab Tuskheej (Functional Skills Training, FST) yog cov kev tuaj pab qhia hauv tsev kom tus menyuam paub pab nws tuskheej. Nws qhia txog kev sib txuas lus, kev cobphum, thiab kev tu nws tuskheej. Cov menyuam yuav pib kawm txog tej no tomqab lawv muaj hnuv nyoog 5 xyoos, yog tias tseem yuavtsum tau qhia tej no rau lawv. Cov kev qhia yuav tsawg zuzus lawm vim tus menyuam mus kawm ntawv lawm, tabsis cov kev cobqhia tseem yog qhia kom nws txawj ua ub no, muaj kev cobphum, tu tau tuskheej thiab hoob tus coojpw m.

W&I Code §4512(b), 4643(b), 4646(a), 4646.4(a), 4647(a), 4648(a)(7-8), 4648(a)(16), 4648.4, 4685 (c)(3)(B)(i), 4686.2, 4851(q)4, 4659(a)&(c)

LWM COV KEV PABCUAM NTXIV

Cov no tsis yog tag nrho lub Chaw Pabcuam hauv Tej Cheebtsam cov kev pabcuam, tabsis nws yog cov uas luag siv ntau.

KEV SO HAUV TSEV:

Kev so yog tsim los pab kom cov niamtxiv tau so ntawm kev tu lawv cov menyuam. Txoj kev so uas koj yuav tau txais mas yog xam raws koj tus menyuam txoj kev tu-ncua thaum muab nws piv rau lwm tus menyuam thiab nws txoj kev xiam oobqhab. Nws tsis yog ib txoj kev pab zov lossis zov menyuam rau koj, tabsis nws yog ib txoj kev nrog zov ib pliag kom niamtxiv tau chaw tso pa thiab so mentsis mam rov los tu nws tus menyuam dua. Yog pom tau tias yuav tau pab thiaj muaj sijhawm so, lub ACRC yuav kam them rau cov kev tuaj pab kom muaj kev so no ib zaug peb lub hlis. Cov xuabmoos uas pab kom tau so ntawm tej tsevneeg mas yog xam raws tsevneeg ntawd txoj kev tu-ncua thiab qhov uas yuav tau tut us menuam ntawd, nws tus coojpwm, cov kev pab uas tsevneeg ntawd muaj thiab lawv ntxhov siab npaum licas. Cov kev pab kom tau so muaj 3 hom li hauv qab no:

- 1. Koomhaum Pab Kom Tau So:** Cov koomhaum pab kom tau so yuav xa ib cov tibneeg tuaj pab zov thiab tu koj tus menyuam hauv tsev thaum koj yuav tau tawm mus lwm qhov. Koj yuav muaj feem nrog tus neeg uas yuav raug xa tuaj tham kom paub tias nws yog tus uas yuav zoo rau koj tus menyuam. Kom mam teem sijhawm rau nws tuaj pab koj. Lub ACRC yuav them rau lub chaw tuaj pab zov, thiab lawv mam them tus tibneeg ntawd. Lub koomhaum no raug ntiav los nrog zov thiab tu tibneeg.
- 2. Tus Neeg Koj Xaiv Tuaj Pab Kom Tau So:** Yog koj muaj tus neeg uas koj ntseeg siab rau los tu koj tus menyuam lawm, ces nws cia li yog tus raug ntiav los ntawm lub koomhaum tuaj zov thiab tu rau koj (Employer of Record, EOR). Thaum muaj li no, tus neeg ntawd yuav tau ib cov ntawv, raug tshuaj keebkwm thiab raug ntiav los ntawm lub koomhaum EOR los rau koj tsevneeg nkaus xwb. Lub koomhaum EOR yuav them rau tus tibneeg ntawd thiab lub Chaw Pabcuam hauv Tej Cheebtsam mam them rau lub koomhaum EOR ntawd. Tus tibneeg ntawd yuavtsum muaj hnuv nyoog 18 xyoo rov saud, paub ua CPR, tsis yog ib tus uas nrog koj nyob.
- 3. Muaj Chaw Pab Them Kom Tau So:** Cov niamtxiv yog cov nrhiav tus tibneeg tuaj tu rau lub Chaw Pab Them (FMS). Lub FMS cia tsevneeg nrhiav tus tibneeg tuaj tu thiab lawv mam them ncaj qha mus rau tus tibneeg ntawd thiab nws mam them nws cov se.

Los ntawm W&I Code: 4512 (b) (e) (f); 4648(a) (6) (D); 4659 (d) (1) (A) (B) thiab (C); 4685(c) (1) thiab (3); 4686.5(a) 4690.2

Kev coj mus raug luag: Ib tus neeg mob coj mus nyob rau luag zov tau txog li cov hnuv uas luag kom tseg toj ib lub xyoos (tshwj tias nws muaj kev zam) hauv ib lub tsev tu neeg kom cov niamtxiv/cov tu muaj ib lub sijhawm los so ib ntus. Koj yuav siv cov hnuv no licas los tau. Yog koj xav mus xyuas ib lub tsev uas muaj laixees los tu neeg, thov hu rau koj tus menyuam tus Neeg Pab Npaj Kev Pabcuam, thiab nws yuav muab cov npe tsev tu neeg uas koj yuav mus xyuas tau rau koj. Koj mam li teem sijhawm mus xyuas. Thaum koj thiab tus neeg mob xaiv tau ib lub tsev lawm, thov hais rau koj tus Neeg Pab Npaj Kev Pabcuam thiab nws mam pab koj teem sijhawm rau koj coj koj tus neeg mus rau lawv zov.

Kev Zov Menyuam/Zov Tomqab Lawb Ntawv: Kev zov menyuam/zov tomqab lawb ntwv yog muaj rau cov menyuam uas nyob nrog lawv tsevneeg. Tej zaum lub ACRC yuav pab them ib feem kev zov menyuam/zov tomqab lawb ntwv rau cov tibneeg uas tuaj siv lub chaw pabcuam hauv tej cheebtsam, yog cov niamtxiv tseem ua haujlwm rau sab nraud thaum lub sijhawm ntawd thiab yuavtsum tau muaj kev zov tshwjxeeb rau lawv cov menyuam.

Cov kev pabcuam tshwjxeeb rau cov menyuam hnuv peb xyoos rov saud yog hais txog, tabsis tsis tas rau:

- Kev siv cov khoom siv khomob thiab kev khomob uas kawm tawm los; lossis
- Kev paub tswj cov coojpwm phem xwslu tsimtxom tuskheej, ntaus lossis ua phem rau lwm tus; lossis,
- Tus neeg mob muaj kev tu-ncua, vim txoj kev xiam oobqhab, uas yuavtsum tau muaj kev tu tshwjxeeb uas tshaj li lwm tus uas tsis xiam oobqhab; lossis
- Yuav tau muaj kev pab ntau txog kev tu nws tuskheej tshaj li lwm tus uas muaj hnuv nyoog li nws; lossis,
- Yuav tau nrog saib tus neeg mob uas muaj hnuv nyoog 12 txog rau 21 xyoos, lub hnuv nyoog uas cov tibneeg tsis xiam oobqhab tsis tas muaj neeg zov lawm, yam tsawg yuav tau saib ntshuj ntshis.

Tus nqi zov thiab tu rau cov neeg mob thaum yug txog 11 xyoos yeej tsimnyog npaum li tus qhi zov menyuam/kev zov tomqab lawb ntawv rau tus menyuam uas tsis xiam oobqhab. Cov tsevneeg tsimnyog mus thov cov kev pabcuam uas muaj rau lawv uantej tso. Lub chaw pabcuam hauv tej cheebtsam yuav tsis mus yuav ib cov kev zov menyuam los hloov cov kev yuav mus kawm ntawv uas muaj rau tej pejxeem sawvdaws.

W&I Code §§4512(b)

Ceebtoom Neeg Khomob (Medic Alert): Txoj kev pab no muaj rau cov tibneeg uas tuaj siv lub ACRC uas qhia tau nws tus mob rau cov neeg khomob sab nraud. Cov neeg khomob hu rau Medic Alert thiab lawv mam hu rau tsevneeg. Medic Alert tseem yuav qhia rau cov neeg khomob txog nws tus mob thiab tej kev tsis haum tshuaj. Lub ACRC yuav them rau lub tshuab thiab kev nrog xyuas.

W&I Code §§ 4646(a), 4646.4

Cov Khoom Siv Khomob Uas Siv Tau Ntev: Lub ACRC mob siab rau kev pab cov neeg mob thiab lawv tsevneeg nrhiav thiab yuav cov Koom Siv Khomob Uas Siv Tau Ntev (DME) uas yuavtsum tau muaj vim txoj kev xiam oobqhab.

“Cov khoom siv khomob uas siv tau ntev” yog cov khoom siv uas:

- yuavtsum tau muaj los pab kom tus neeg mob pab tau nws tuskheej, ua tau lub neej tawgpaj txi txiv thiab xwsli luag
- siv tau los pab tuskheej lossis kho tau ib yam mob
- siv tau ntau zaus lossis ntev mus

Thaum xam pom tias yuavtsum tau muaj DME vim txoj kev xiam oobqhab thiab tej nyiaj txiag uas yug muaj tsis txaus them rau tus nqi, tej zaum lub ACRC yuav pab nyiaj txiag rau los yuav cov khoom siv DME.

Diapers/Pull-ups: Medi-Cal yuav kam them rau cov diapers tomqab uas tus neeg muaj hnuv nyoog 5 xyoos rov saud. Thaum muaj hnuv nyoog 3 rau 5 xyoos, yog tus menyuam yuavtsum tau siv diapers vim kev mob tej zaum Medi-Cal yuav kam yuav rau nws. Yog xav thov txoj kev pab no, koj yuav tau hum us rau koj lub Chaw Saib Medi-Cal (Medi-Cal Managed Care, MMC) siab yuav mus yuav qhov twg. Yog koj tsis muaj ib lub MMC, hu rau koj Tus Tibneeg Pab Npaj Cov Kev Pabcuam mus tham txog cov chaw uas kam txais Medi-Cal. Thaum koj hu mus rau lub chaw muag khoom siv khomob uas kam txais koj daim ntawv khomob, koj nug tau lawv tias koj yuav tau ua licas. Tej zaum lub chaw muag khoom yuav muab ntawv rau koj tus menyuam tus kws khomob xee, ces koj mam muab rau lawv mus tsib nqi hauv Medi-Cal. Thaum pom tau tias muaj kev tu-ncua, thiab koj tsis muaj nyiaj txaus mus yuav cov khoom siv ntawd, tej zaum lub ACRC yuav pab nyiaj txiag rau koj mus yuav tej khoom siv ntawd.

W&I Code §§4646.4 (a) thiab 4659(a) (1) (2)

KEV KAWM RAU COV NIAMTXIV (PARENT EDUCATION)

Kev Mus Koom Rooj Sablaj

Lub Alta California Regional Center (ACRC) txhawb cov niamtxiv thiab cov neeg mob thaum uas lawv tuaj nrhiav kev qhia thiab kev cobqhia los pab kom paub los nrog hais rau tuskheej thiab/lossis kom paub tias muaj kev pabcuam dabtsi uas lawv yuav siv tau. Cov kev pab li no yuavtsum yog los pab tus menyuam txoj kev xiam oobqhab. Cov kev pab yog muaj cov hoob kawm lossis cov rooj sablaj.

Lub ACRC yuav:

- Muab cov kev qhia rau cov neeg mob thiab lawv tsevneeg uas yog qhia los ntawm cov neeg ua haujlwm hauv lub ACRC.
- Yog tus sponsor lossis pab sponsor rau txoj kev qhia uas yog koom nrog lwm lub koomhaum.
- Nrhiav cov tibneeg uas txawj tsis hais hauv lossis sab nraud ntawm lub ACRC lub cheebtsam los ua cov qhia.
- Pab nyiaj txiag los them rau cov nqi kawm lossis nqi sau npe mus koom rooj sablaj yog tias nws yog li tej uas hais hauv Txoj Kev Npaj Khomob Raws Tej Tus Tibneeg (IPP) cov homphiaj.

Tus nqi taug kev, chaw pw thiab zaubmov noj yog tus tibneeg uas mus koom rooj sablaj yuav tau them rau. Tej zaum lub ACRC yuav kam them rau kev mus koom ib lub rooj sablaj to jib xyoos. Cov rooj sablaj yuavtsum yog muaj nyob rau hauv lub xeev Kalifonias.

Ntau zaus muaj kev pab rau cov kev mus kawm.

Lub ACRC samfwm kom yuavtsum tau muaj cov ntaub ntawv no thiaj siv tau cov nyiaj them rau Rooj Sablaj:

1. Kev qhia txog kev sau npe mus koom rooj sablaj thiab hnuv twg uantej cov niamtxiv sau npe mus koom
2. Cov niamtxiv xav kawm/lub homphiaj rau kev mus koom rooj sablaj yog dabtsi
3. Lub rooj sablaj muaj kev zoo dabtsi rau tus menyuam txoj kev xiam oobqhab
4. Vim licas lub rooj sablaj thiaj yog tib txoj kev uas yuav mus nrhiav tau kev qhia los pab cov niamtxiv cov homphiaj/kev xav tau.

W&I Code §4512(b)

Kev Txiavtxim Ntawm Tuskheej

Lub California Department of Developmental Services tabtom tsim ib txoj kev pabcuam tshiab uas hu ua Kev Txiavtxim Ntawm Tuskheej (Self-Determination Program) uas yuav cia cov neeg mob muaj feem ntau los txiavxim siab thiab xaiv cov kev pabcuam thiab kev txhawb li lawv nyiam. Cov tswvyim hauv txoj kev pabcuam tshiab no muaj xwsli:

- Hauv txoj kev npaj txoj IPP, peb yuav kom ib qhov nyiaj rau koj los yuav cov kev pabcuam thiab kev txhawb los ua kom tiav rws li koj cov homphiaj.
- Koj yuavtsum tau siv lub Chaw Pab Them (FMS) uas muaj los ntawm lub ACRC los them rau koj cov kev pabcuam
- Koj yuav xaiv tau cov chaw thiab cov neeg uas yuav los muab kev pabcuam rau koj. Lawv yuav raug tshuaj txog keebkwm tabsis tsis yuavtsum tau muaj laixees.

Mus xyuas ntxiv nyob rau hauv www.altaregional.org lossis www.dds.ca.gov. Yog xav kom muab koj lub npe tso rau hauv “cov uas xav paub txog” xa email mus rau koj tus tibneeg pab npaj kev pabcuam.

Senate Bill (SB) 468

YOG XAV PAUB NTXIV

Mus xyuas: www.altaregional.org

Cov Kev Pabcuam thiab Neeg Muab Kev Muab Kev Pabcuam hauv lub ACRC:

Mus xyuas Alta lub website hauv: www.altaregional.org

>Thiab nias **Service Providers (Cov Neeg Muab Kev Pabcuam)**

> Thiab nias **Service Provider Search (Nrhiav Cov Neeg Muab Kev Pabcuam)**

Lub ACRC Cov Kevcai Tswj Kev Pabcuam

Mus xyuas Alta lub website hauv: www.altaregional.org/

> Thiab nias **Who We Serve (Peb Pab Tau Leejtwg)**

> Thiab nias **Services (Cov Kev Pabcuam)**

> Thiab nias **Service Policies (Cov Kevcai Tswj Kev Pabcuam)**

ALTA CALIFORNIA REGIONAL CENTER COV CHAW UA HAUJLWM pabcuam ntau tshaj li 20,000 tawm tus tibneeg nyob rau hauv kaum lub nroog uas hais hauvqab no: Alpine, Colusa, El Dorado, Nevada, Placer, Sacramento, Sierra, Sutter, Yolo, thiab Yuba. Vim xav kom nyob ze rau hauv tej zejzoz, peb muaj yim lub chaw pabcuam nyob rau hauv cov cheebtsam uas peb muaj kev pabcuam. Thaum koj muaj cov lus nug thiab xav pib lossis hloov kev pabcuam, nws zoo dua uas koj muab zaj ntawd mus tham nrog koj tus menyuam Tus Tibneeg Pab Npaj Kev Pabcuam thiab nws mam muab xa mus rau Pab Neeg Npaj Kev Pabcuam.

ACRC cov chaw	Nroog Pab	Chaw Nyob	Xovtooj
Sacramento	Sacramento	2241 Harvard Street, Suite 100 Sacramento, CA 95815	(916) 978-6400 hais lus (916) 489-1033 fax (916) 489-4241 TDD
Grass Valley	Nevada, Northern Placer, Sierra	333 Crown Point Cir, Suite 200 Grass Valley, CA 95945	(530) 272-4231 hais lus (530) 272-4637 fax
Placerville	El Dorado	344 Placerville Drive, Suite 1 Placerville, CA 95667	(530) 626-1353 hais lus (530) 626-0162 fax
Roseville	Placer, Sacramento	516 Gibson Drive Suite 150 Roseville, CA 95678	916) 437-6900 hais lus (916) 978-6583 fax
South Lake Tahoe	Alpine, El Dorado, Nevada, Placer	2489 Lake Tahoe Blvd., Suite 1 South Lake Tahoe, CA 96150	(530) 314-5970 hais lus (530) 314-5971 fax
Truckee	Nevada, Placer, Sierra	13450 Donner Pass Rd Suite B Truckee, CA 96161	(530) 587-3018 hais lus (530) 550-2217 fax
Woodland	Yolo	283 W. Court Street Suite B Woodland, CA 95695	(530) 666-3391 hais lus (530) 666-3831 fax
Yuba City	Colusa, Sutter, Yuba	950 Tharp Road, Suite 202 Yuba City, CA 95993	(530) 674-3070 hais lus (530) 674-7228 fax